

西湖遺事 · 西湖古今佳話


西湖遺事·西湖古今佳話

序

余與徵君年相若也。居相近也。憶自成童。同游家柳亭先生門。七十餘年來。分袂日少。把臂日多。晨夕過從。時。凡吟成一首。編成一冊。輒與共讀。時。則別。時。則晞。噓。心相印也。所著等身書。余最愛其南宋古蹟一編。蒐羅富。託深。潭心是書者。幾半生矣。每語君。必錄副本。以備不虞。余蓋有所懲也。君曰。吾書已垂成。吾將手寫定本。付傳鈔耳。不意丙辰之冬。游光爲虐。倏焉攫去。詩集幸久雕得。覓印本重鐫。而古蹟考無從再輯矣。湖山遺事詩。乃丙辰以後。偶有記憶。時閒弄筆墨也。噫。徵君人琴俱往。墨痕猶新。子械擬附抱山堂集後。余披尋再四。宛若齋頭把卷。推敲字句時也。嘉慶九年新元申子首夏。莫灘謹識。

青湖先生南宋古蹟考。舊刊錢氏指海中。求之十年始得。而刻於武林叢編。湖山遺事詩。向附抱山堂集末。因有闕頁。僅刻吳山遺事詩一卷。今春猶子立誠。得於都城廠肆。闕頁在焉。爰付梓人。庶可免殘山賸水之歎。求書得書。

之難。固如是哉。光緒甲午重陽丁丙識。



西湖遺事

錢塘朱彭青湖

錢塘湖畔小橋東療疾秋夫技最工鬼亦望施盧扁術呻吟聲在杏林中

梁吳均續齊諧記云錢塘徐秋夫善治病宅在湖溝橋東夜聞空中呻吟聲甚苦秋夫起至呻吟處問曰汝是鬼耶何爲如此鬼曰我是東陽人姓斯名僧平昔爲樂遊吏患腰痛死今在湖北爲鬼苦亦如生爲君善醫故來相告秋夫曰汝無形何由治鬼曰但縛茅作人按穴鍼之訖棄水中可也秋夫如其言治之及眠夢鬼曰已差感君厚意秋夫宋元嘉爲奉朝請余謂秋夫宅在湖溝橋卽錢塘湖之橋也鬼云今在湖北卽是湖之北也西湖志紀載六朝事甚少得此可補前志之缺惜橋名今不傳耳

巨石浮江未易明林逋占驗詎能精獨援樵子五行志弟子應推葉杲卿

天中記葉曙字杲卿錢塘人師事林逋天禧末錢塘有巨石浮于江太守問逋逋以問杲卿杲卿乃按樵子五行志以應曰其當在萬乘乎未幾眞宗仙遊于是人服杲卿多聞而始知樵子爲奇書也

蕩子相攜到汴京無端分袂愴離情二年閉戶爲郎死空憶湖樓聽曉鶯

宋愛愛錢塘倡家女。姿體纖素。豔發不類人間人。泛舟西湖。爲金陵少年張逞所調。遂相攜潛遯于京師。後逞爲父捕歸。愛愛卽閉戶蔬素三年。念逞之情。感疾而死。蘇子美爲作愛愛集。紀其事。見客座贅語。

上書慷慨氣。憑陵不挂朝衫。便學僧悟靜。依然稱處士。孤山風雨一龕燈。

至正嘉禾志云。王衷字秉悅。崇德人也。宋時游太學。以上書直言遭貶。遂隱于杭之孤山。修西方淨業。雞鳴而起。禮誦達旦。風雨寒暑不能一日廢也。朝廷聞其清行。召之不起。賜號悟靜處士。紹興五年八月十二日。夙興誦經如常。久而聲漸低。已而不聞。就視則端坐逝矣。

中興南渡舉詞科。應讓容齋記誦多假館。淨慈禪榻畔。早隨宣押入巖阿。

洪邁容齋五筆云。紹興十二年壬戌。予寓南山淨慈寺。待詞科試。見省試官聯騎。公服戴帽。不加披衫。每一員以親事官一人。執敕黃行前。是時知舉參詳點檢合三十一員。最後一中官宣押者。入下竺貢院。余謂下竺在南宋時有御園。詞科以御園爲貢院也。

閒居秀野寄情深湖上。曾傳百二吟。可惜篇章多散佚。接羅枉費受言心。

陳子兼窗間紀聞。昭武杜杞受言。嘗寓居劉鄴王秀野園。著西湖雜詠一百二十首。摭摭舊聞。足資采

楸有云。寶馬香車穿柳影。輕樓畫楫劃波心。繪出湖上承平景象也。考劉鄴王秀野園有四并堂。近上智果院。在水仙王廟西。

小隱名園結構新。芳魂長與水爲隣。洛濱那及湖濱好。主管鶯花過一春。

內侍陳源適安園在小新堤黹院旁。後獻重華宮。爲小隱園。撥賜張貴妃。改永寧崇福寺。宋周文璞方泉集有西湖小隱詩云。先帝何曾寵倖臣。家園籍沒幾經春。一邱賜與嬋娟魄。教主西湖似洛神。玩詩語似張貴妃歿後建懣宮於此。故有一邱賜與之句。前志皆失載。是未覩方泉集也。

都講曾推胡雪江延年詩句亦無雙。西風一夜秋聲起。衰柳蕭蕭打客窗。

絮霞偶筆云。葉延年吳興人。淳熙中官富陽主簿。嘗寓湖上之雪江書堂。有句云。一夜西風驚客枕。滿堤楊柳作秋聲。胡賢良旉與之善。向余恆道之。考雪江書堂在蘇堤第四橋。淳祐中婺州布衣胡旉充三賢堂堂長。設講於此。旉號雪江。著有錦囊集。延年與之善。故僑居旉之書堂。

三賢堂徙鎖瀾橋。官酒開沽雜市囂。秋菊寒泉都不薦。有人題句諷袁詔。

寶慶閒袁詔尹京。移竹閣三賢堂于蘇堤。建亭館以沽官酒。或題詩云。和靖東坡白樂天。三人秋菊薦寒泉。而今滿面生塵土。卻與官家趁酒錢。袁聞之愧而止。見堯山堂外紀。又武林舊事云。祠後有三堂。

口水西雲北月香水影。晴光雨色。有小亭曰虛舟。曰雲錦。

松窗別墅。憶張濡。檉柳週遭數百株。閒坐水亭。堪道暑。芰荷香影上吟軀。

秋崖津言云。張濡字子含。別墅在北新路第二橋。顏曰松窗中構水亭。四面檉柳數百株。圍繞若玦環。下臨菡萏一二十頃。三伏消暑。不減翠寒堂也。父功父。卽與史衛王誅韓侂冑者。楊誠齋賞其詩。所謂新得南湖爲上將是也。子含濡染家學。別出機杼。獨自成家。子樞字斗南。工長短句。李賀房每稱之。考樞係張玉田炎之父。濡卽玉田之祖也。

半空花柳出吟臺。繪幅湖山四面開。座上新詞初譜就。寄閒家妓按歌來。

周密蘋洲漁笛譜有瑞鶴仙詞序云。寄閒結吟臺。出花柳半空閒。遠迎雙塔。下瞰六橋。標之曰湖山繪幅。霞翁落成之初。筵俾余賦詞。主賓皆賞音。酒方行。寄閒出家姬侑樽。所歌卽余所賦也。調閒婉而詞甚習。若素能之者。坐客驚詫敏妙。爲之盡醉。越日過之。則已大書刻之危棟閒矣。考紫霞翁楊續寧宗楊后兄。次山之孫。寄閒張樞字斗南。循王之曾孫。亦工詞。

九曲南朝號古城。紹翁旅況最孤清。臥聽宰相朝天去。霜滿東菴暗短檠。

葉紹翁字嗣宗。號靖逸。建安人。博學工詩。嘗居錢塘卜隱西湖之濱。與葛無懷相唱和。著有靖逸小稿。

四朝聞見錄。靖逸所居名東菴。周端臣題葉靖逸東菴詩云。一菴自隱古城邊。不是山林不市廛。落月半窗霜滿屋。臥聽宰相去朝天。考九曲城在錢塘門外。近昭慶寺。宋時稱爲古城。據端臣詩。東菴當在九曲城。宰相朝天。指賈似道也。

林生襟抱本翛然。冒醉頻傾篋內錢。索筆閒題酒家壁。人傳湖上有神仙。

堯山堂外紀。林外字豈塵。泉南人。詞翰蕭爽。談論不羈。飲酒無算。在上庠。暇日獨游西湖。坐小旗亭。飲焉。置虎皮錢篋數枚于腰閒。每出其一。命酒家傾之。視錢計酒直。且盡復傾一篋。飲數斗不醉。而篋中之錢若循環無窮。肆中人驚異。索筆題壁閒云。藥爐丹竈舊生涯。白雲深處是吾家。江城戀酒不歸去。老卻碧桃無限花。明日都下喧傳。其肆有仙至。

住近蓬萊有夙因。孤山道觀寄閒身。吟朋過訪多留句。淪落當年鄭渭濱。

鄭渭濱未知何處人。南宋時曾居孤山四聖觀。與徐集孫。李山房。杜北山。相往還。今閱集孫竹所吟稿。有春日訪四聖觀鄭渭濱。又休日招李山房杜北山。訪渭濱秋浦於孤山。卽席用韻諸詩。四聖觀內有小蓬萊。故集孫詩。有身近蓬萊有宿緣之句。

半湖樓下秋水清。半湖樓上淙雲橫。四明仙客知誰是。合把斯樓屬允平。

半湖樓在湖上。宋朱繼芳有和秋房半湖樓七律二首。其一有一水東西添柳岸。兩山南北欠樵風。之句。其二首句云。四明仙客此樓居。不知四明仙客係何人。余徧考南宋名流湖上多題詠者。只有陳允平一人係四明人。半湖樓當是允平所居。

畫舫新成學老漁。漫翁閒放怕樓居。湖波從此添帆影。泛宅浮家頗自如。

張雨貞居詞小引云。漫翁新製畫舫湖中。余爲名其舫曰浮家泛宅。翁姓李字仁仲。湖船用布帆。自李始。其題李漫翁湖船調寄太常引詞云。莫將西子比西湖。千古一陶朱。生怕在樓居也。用著風帆短蒲。銀餅索酒并刀。斫鱸船背錦模糊。堤上早傳呼。那箇是烟波釣徒。

仇白詩翁共往還。隱君高致渺難攀。輞川勝概重分賦。誰似南屏莫兩山。

凌雲翰莫隱君墓誌銘云。隱君名昌。初名維賢。字景行。母孫氏。于前元大德六年壬寅。生君子積善里。少穎悟。知爲學。書無不讀。藝無不遊。元初仇山村白洪淵湯北村鄧素履諸先生咸得登其門。卒受教山村先生焉。翰林楊公舉辟授以右職。不起。別業在南山下。作屋介兩山間。命曰兩山。始有隱志。又名南屏別業。其處頗多景物勝概。因人而成。有若輞川之南堂者。遂爲二十有一題。人多賦之。又曾繪山居圖。黃潛題莫氏山居圖詩云。旋移小隱傍南峯。遠有咸平處士風。山態近人猶偃蹇。湖光無雨亦空

濠行春杖履時時到臨水軒窗面面通別作新亭供戲劇青帘搖曳杏花中

新居穩占在山南水竹村邊面翠嵐獨對湖光無客過好邀仇遠共清談

仇山村遺稿有元友山南新居詩桃柳參差出短牆小樓突兀看湖光出門便與青山對諒易能消白日長硯石洗來同玉潤藥苗曬得似茶香隣僧亦有通文者常把詩來惱漫郎再賦一律云幽居穩占南山下人亦稀疏水竹村轉岸始知猶有路傍湖更好別開門酒樽近日常謀婦詩課閒時略抱孫孤鶴不來高士少暗香且伴月黃昏

草堂僻處古城隈野老過從共把杯別有閒情清似水忘機鷗鷺忽飛來

張雨貞居詞有早春書易元九曲新居壁調朝中措詞云草堂移住古城隈堂後水平階要結柴桑隣里不須鷗鷺驚猜行厨竹裏園官菜把野老山杯說與定巢新燕杏花開了重來易元新居在招慶寺傍九曲城

柳洲亭畔柳如絲此地曾居馬鍊師晚泊游船喧酒客一樓寒色獨吟詩

元馬鍊師璫字至道號虛中少慕陶貞白之爲人著道服隱於西湖之濱前志皆失載余讀其霞外集

有我家本。什湖水邊。筆牀茶竈。依漁船。句五言。如船回。載酒客。樓倚獨吟人。七言。如半舸。夕陽喧。酒客一樓寒。色倚詩人。其居當在湖濱泊船處。考宋元時。西湖船多。惟柳洲最盛。及觀龔璠存悔齋集。有題馬廬中春城柳色圖七古。知其隱居在湧金門外。柳州亭畔無疑。

陰。舉揮灑起煙雲。誰似濠梁李紫質。獨坐樓霞頻得句。竹涼深處雨紛紛。

張雨貞居詞。有題李紫質山居作注云。紫質名升。濠梁人。善寫竹石。兼工平遠山水。曾寓居棲霞嶺。考青浦詩鈔。升晚年移居灤山湖畔。張雨題李紫質山居調寄南鄉子云。午枕託冥搜。得句棲霞半嶺頭。不奈風簾疏雨過。颺颺化蝶飛來。爲少留。石壁倚清秋。袖拂烟痕寫遠遊。信有平生濠濮想。悠悠身似游魚。懶上釣。

竹西居士製蘭舟新拓蓬窗載酒游。譜得秦樓詞一闋。滿湖風月一天秋。

陶九成輟耕錄。錢塘楊瑀字元誠。號竹西居士。天歷間。任浙西宣尉。張雨貞居詞集。有楊山居湖舫新成。載酒落之賦秦樓月一首。書于船窗。蓋以瑀在太史時。御書山居二字賜之。所著有山居新語。故以山居稱之。張雨詞。蘭舟小一篷也。便容身了。容身了。幾番烟雨。幾番昏曉。漁歌一曲。文顛倒。酒壺早。是容情了。容情了。肯來清坐。喫茶便好。

閒居葛嶺面湖潯兩寺時聞鐘磬音垂老著書多歲月千秋誰賞伯牙琴

鄧牧字牧心錢塘人隱大滌山人稱爲文行先生曾寓葛嶺伯牙琴寓屋壁記云壬子秋余卜數椽葛嶺下面湖背山景象清美是屋介兩寺閒故不爲強有力者所并都穆鐵網珊瑚云錢塘鄧牧心先生生於宋世之季有文數十首名曰伯牙琴

五峯狂客秘書官湖上清游得盡觀靈隱昔曾傳十詠如何失載水臺盤

元李孝光字季和溫州樂清人居雁蕩山五峯下自號五峯狂客以徵召官秘書監來游湖上集中有靈隱十詠如靈隱寺冷泉亭蓮花峯飛來峯鍊丹井呼猿洞水臺盤翻經臺高峯塔龍泓潭十題係四韻五言古詩湖志失載而水臺盤一題今無人知之者因將此詩附後以俟考附水臺盤詩幽幽南山下中趾有欹石窪尊絕制度曲流泛醪液自鑑愧濯足臨深懷枉席惟應洗心者能使百慮釋

鐵門高弟玉筍生卻爲吳亡變姓名混迹緇黃聊寄食奇才淪誤無竟成

張憲字思廉號玉筍生山陰人工詩楊鐵崖之高弟也廉夫曰吾鐵門能詩者南北凡百餘人求其似憲及吳下袁華輩者不能十人匪虛譽也憲負才自放走京師創言天下事張氏據吳辟爲樞密院都事吳亡變姓名走杭州初薄遊四方誓不娶不歸鄉里中遭兵亂混緇黃以自存晚寄食報國寺以死

見元百家詩小傳

比玉曾從鐵老游。簪花書格儘風流。誰營第一橋邊地。明月吹簫起畫樓。

元閨秀曹妙清字比玉錢塘人能詩工書畫曾師事楊鐵崖鐵崖爲作詩序考書史會要載其居在湖灣比玉和鐵崖詩云美人絕似董嬌嬈家住南山第一橋不敢隨人過湖去月明夜夜自吹簫董嬌嬈比玉自況也第一橋卽其所居也其居當在第一橋湖灣余嘗欲起一樓于此名曰明月吹簫樓爲湖上添一韻事

曾向詞場友茂秦歸來湖港寄閒身吟詩作畫無虛日白髮誰憐老舍人

明陶舍人名雲翰字冲泊號則渠家學士港善書畫能詩世宗時薦爲太子舍人嘗監均州太和稅與謝茂秦盧次樞及當時諸名士相往還晚年歸里甕粟屢空泊如也年七十餘乞詩者戶常滿舍人無不應之生一子虞廷早亡以此怏怏至神宗丁巳卒

林泉鵬詠憶嘉隆十友相招逸興同曳杖逍遙靈竺路香山洛下見遺風

明嘉隆閒孫枝思泉許嶽少崖顧言西崖吳遵晦桂軒趙應元望雲胡孝順所金階蓮峯柴祥禮泉嚴

大紀順菴呂元葵陽諸人皆名卿達士稱湖山十友歲時選勝觴詠湖山比諸香山洛下一時稱賞見靈隱寺志

畫法倪吳世共誇西冷寄迹寫烟霞寓公不管囊羞澀賣得青山付酒家

明嘉定張鴻磐西州合譜云張叔爲畫筆宗董北苑吳仲圭生于虞山遊迹多在西湖號西冷寓客故烟轡出沒善得吳越山水之神詩才清逸尤妙于七言絕句程孟陽先生稱之爲人孤介自守苟非意氣縱王公要人黃金白璧挽焉去之青山賣人卽分散貧交或買舟沽酒結伴湖山不留一錢真異人也考叔維名維常熟人見書畫譜

林巒獨得一峰神左腕揮毫更絕倫誰憶前明范元白數椽老屋隱湖濱

無聲詩史范叔成字允叔號元白錢塘人隱居西湖之濱以左腕運丹青其山水多宗黃子久而墨氣似較淹潤若點染花鳥出以己意生動可愛真神超物外者矣

十笏蕭然水竹居映波橋畔小停車元津方外稱高弟揮麈清談月照廬

秦亞友字仲虛號冰玉山人前明高士也入南屏香嚴社貞父德園輩推爲社長方外弟子大鑿爲築館於湖上之第一橋王士昌詩引云南屏淨慈寺訪冰玉山人見其傍水數椽不容旋袖高談名理泊

如也因。瑯管爲短歌。以壯之歌。中有山人家居在何處。第一橋頭聊避地之句。知其居傍映波橋。又云湖上笙歌無暇日。山人守元長抱膝。一几一榻共一爐。方覺此身無長物。更可想見其高致矣。

可山南宋有詩名梅鶴家風世未更誰識前明孤嶼內松窗竹屋住純卿

雪巖吟卷讀林可山西湖衣鉢詩梅花花下月黃昏獨自行歌掩竹門只道梅花全屬我不知和靖有仍孫升菴詞品林君復宋史謂其不娶無子然林洪著家山清供謂先人和靖先生云云蓋喪偶後遂不娶耳明有林純卿卜居西湖王穉登贈以詩云藏書湖上屋三間松映軒窗竹映關引鶴過橋看雪去送僧歸寺帶雲還輕紅荔子家千里疏影梅花水一灣和靖高風今已遠後人猶得住孤山玩後四句知純卿係閩人而寄居孤山者也

八社聯吟已久虛湖山管領有誰如三嚴十友成佳話月會猶傳一卷書

餘杭三嚴嚴調御印持嚴武順忍公嚴敕無敕與仁和鄒之嶧聞啟祥五人觴詠湖曲作月會之遊後嘉定李流芳景陵譚元春江陰黃毓祺西安方應祥虞山王宇春江陰黃毓初蒲陽宋珏嘉定汪明際俱來會焉時號三嚴十友考月會嚴氏三會鄒氏三會聞氏并嚴西三會有月會約一卷載說郭靈隱山前講幄開經師爭說沈無回清秋採菊三生石招悵圓公不復來

明沈守正字無回號雪菴錢塘人萬曆癸卯舉人官國子助教轉都察院司務著有雪堂詩文集鄉薦後不赴禮闈經營葬親開館于靈隱從游甚衆亦能畫與李檀園趙文度交好卒于天啟癸亥檀園祭無回文曰晚而游戲筆墨氣韻妍妙竟入宋元之室其山居絕句云一片生公石圓公不復來遊人尋古迹野菊滿山開知其館近三生石也崇正間從祀鄉賢

西澗樓中李用晦呼猿洞口邵重生誰知結屋蓮峯下猶有雲泉娛老情

朱之京明詩彙選云諸餘齡號雲泉仁和入隆萬時與李灼嶠邵虎菴偕靈隱鰲山結屋蓮花峯下著雲泉娛老集

雲林寺畔結茆廬幽僻真同猿狖居看罷青山消永日團瓢八角有藏書

東城雜記虞司勳長孺弟僧孺淳貞終身不娶結廬靈隱寺側名猿狖居役使一老僕又建八角團瓢於每角藏書上有樓可眺遠馮祭酒開之嘗曰於陵仲子猶餘辟繡之妻僧孺可稱今之逸士矣廣羣輔錄云虞清熙德園虞清貞鹿園號杭州二虞

九熊若璞守遺編貞父應須繼後賢不許寓林耽逸樂斷橋催放讀書船

名媛顧若璞字知和錢塘人適明參議黃汝亨長子茂梧早寡遺孤皆未毀齒迨出就外傳輒爲陳說